

Wasserratta

Ausschnitte aus dem Programm 2004

Palma, Bluama – Kreiselbänkli,
Gsesch du z'Khur – bi jedem Ränkli.
Dr richtig Kick – hends no nit gfunda,
dr Stadtroot hirnet – sogar bim pfunda.
T r u l l a ,
Im nögscht Kreisel – muasch nit schnorchla,
stoht a Statua – vum Dokter Morchla !

Häsch Gicht und au – marodi Knocha,
magsch nümma putza – au nit kocha.
Häsch Stütz und fahrsch – Mercedes-Benz,
denn bisch riif – für d'Residenz.
T r u l l a ,
Im Benerpark – Illusion und Protz;
bruchsch scho bald – dr letschti Klotz !

A Khurer Bürger – seit mit Stolz,
üs khört viel Land – und au viel Holz.
A Säss für Küah – a Waid für Galti,
a Ochsaalp – a Heim für Alti.
T r u l l a ,
A Beiz für's Volk – und klini Süffla,
im Gansplatz trifftsch – au grossi Büffla !

Miar sind üs gwöhnt – und tüands au loba,
Guat's und Liacht – das kunnt vu oba.
Bim Roothuus hends – das Gsetz durchbrocha;
tüand dia Lämppli – in Boda locha.
T r u l l a ,
Dr Nutza isch – vu dena Lampa,
gsesch dr String – vu jedra Schlampa !

In Khur stoht z'mizt – dia ältischt Post,
am Mittaberg – a huufa Roscht.
Beidas Bauta – der Kultur,
o jeeminee – Architektur !
T r u l l a ,
Dr Kanti-Neubau – dä wird koschta,
dr Altbau eifach – wiiter-roschta !